





RECTOR
ACADEMIAE VITEMBERGENSIS,
PHILIPPVS LVD.
HANNEKENIVS,
S.S. THEOL. D. PROF. PVBL.
ET CONSISTOR. REG. AC ELECT.
ASSESSOR,
CIVIBVS ACADEMICIS
S. P. D

Obfide multis, male fana Turba,
 Millibus caesi monimenta Regis,
 Cuius infixio religare gaudes
 Brachia clauo.

Obditis muni, scelerata, limen
 Pessulis, centum Positumque serua
 Clauibus, centum, male cauta, bustis
 Imprime signa.

Saxa conuecta, cumulaque faxis,
 Et Giganteis focia lacertis,
 Ne quis accedat, rapiatque Corpus,
 Pelion Ossae.

Falleris longe, tibi mente fingens,
 Roboris tanti fore, tamque firma,
 Vt Virum possint cohibere, septa,
 Cunctaque claustra.

Pone centenos totidem micantes
 Igneis Argos oculis, et acres
 Pone custodes totidem Dracones
 Qualibet Afros.

Hos tamen fallat rediuiuus Heros,
 Et per elusos vigiles pericli
 Ibit immunis, mediosque tutus
 Ibit in hostes.

Aut latus motat, validusque surgit,
 Excitum vulsis ruit aut Auernum
 Sedibus; quantos agitata motus
 Terra propagat!

Quale iam lumen, Iuuenemque qualem,
 Extulit caelum! nihil vt fatiscens
 Saxa deuoluit, sedet vtque saxo
 Sidere fulgens!

Ac

Ac serenato gemitus pauentis
Ore solatur generis : sepultus,
Ecce, surrexit ; gradietur, ite,
Conspiciendus.

Nunc iaces isthic, metuende Custos,
Frigidus, sensum stupefactus, amens.
Illa defensae stationis ampla
Praemia funto.

Obruti sed nos lacrymis, et aegro
Pallidi luctu, reuocamus alnum
Spiritus, fessos tepor incalescens
Irrigat artus.

Anxiis nam quem petimus querelis,
Maior a casu vegetusque surgit,
Surgit, expugnat Stygias phalangas,
Maximus Vltor.

Iamque procedit spoliis onustus
Manium, captas Erebique vires
Ducit ingenti, pia quem verentur
Secla, triumpho.

It catenatus querulusque Pluto:
Vincla fert Lethum, domitumque nodis
Ferreis Bellum : quatitur Megaera
Serua flagello.

It Dolor freno, laqueisque vinctus
Angor, et foecunda parens Libido,
Ac Nefas, commune iugum subacto
Vertice librant.

Hostibus fractis, hilares triumphant,
Fauستا Pax, recti studiosa moris
Sanctitas, altrix Bona Mens quietis,
Vita Salusque.

Exul

Exul huc primum statuit redire
Virgo, quae terris fauet expiatis.
Vberem fundit locuplete cornu
Copia messem.

Quicquid est, Heros, tibi debet Orbis.
Aereas Ditis, celebrate Samson,
Emoues valuas, adituque facto,
Diripis Orcum!

Fortior David, Golian superbum
Marte prosterne. Leo magne, magnum,
Quo stetit nixus Phlegethon, Draconem
Comprimis vngue.

Proximum tempus miserum! Deum quod
Mortuum vidit, simul et salutem
Commori nostram, tumuloque condi
Spemque fidemque:

Vasta Naturae, trepidansque moles
Quo laborauit, nebulisque tectus
Squaluit Phoebus; saliere, rupto
Viscere, cautes.

Res eunt versae penitus: reuixit
Nuper elatus: reparata nobis
Est salus, hostes et, io triumphe!
Vicinus omnes.

O, tibi quales statuemus arcus,
Victor, et quales dabimus columnas!
Erigent cunctis melius tropaeum
Pectora sancta.

Haec erunt quauis potiora lauro,
Haec monent, CIVES, animo lubenti
RVRSVS ASSERTIS PIA DONA TEMPLIS
RITE FERATIS

P. P
PRIDIE ANNIVERSARI EIVSDEMQUE PASCHALIS SACRI
A. R. G. c l o l c c l



